

78 N 13 [62] X3013634

JVSTAE LACRYMAE,
QVIBVS
JVSTA PATERNA
VIRI
NOBILISSIMI, CLARISSIMI, HVMANISSIMI
NEC NON DOCTISSIMI,
DOMINI
M. NICOLAI
KUPFFERI
IN GYMNASIO CATHEDRALI, QVOD
MARTISBVRGI FLORET,
COLLEGÆ TERTIMERITISSIMI.

QVI
POSTQVAM XLII. ANNOS DE FORMANDA IBIDEM IVENTVTE
OPTIME MERVERAT, RVDE DONATVS ABIIT, ET SEPTEM FERE ANNIS
POST, QVIBVS OCVLORVM LVMINE CARVIT, ANNO ÆTATIS
LXXVI. d. 9. NOVEMBR. MDCCXXVI. O. R.

*PLACIDVS, AC BEATVS IN CHRISTO
DECESSIT,*

PIE PROSEQVITVR

DEVENERANDI SVI, AC CHARISSIMI PATRIS

MOESTISSIMUS, FILIVS

M. JOH. CHRISTIANVS KVPFFERVS
GYMN. MARTISB. COLL. III.

TYPIS LEHMANNIANIS.



Kapsel 78 N 13 [62]

AK



Tra dies ! funesta mihi MATRIQVE dolenda,
Fratribus & planctu nimium lacrymabilis
alto;

Atra dies ! charis funesta fororibus hora!
Ergone ades, coelique minas effundis & iram?

Nulla dies nobis miseris formidine tanta
Horribilis furgat, quam misis micat ignibus aether;
Quantam tristicium, luctum lacrymasque fluentes
Atulit haec nobis lux acri plena dolore,
Qua GENITOR noster correptus funere mesto
Occidit, atque iubar nobis detraxit amorem.
Decessit nobis animorum dulce levamen,
Praesidiumque decusque domus jam corruit atra,
Et mortis telo, capiti diadema coruscum
Detractum nostro jacet, alta & nocte sepulchrum.
Inferias ergo da nostro, Musa, PARENTI.
Funde piis cineri lacrymas, floremque caducæ
Spargere rosa, laticesque factos, pro fronde cupressi
Funerea tumulum palmæ, laurique coronent,
Vitrices palmæ, Musarum insignia lauri!
Fundito jam mecum lacrymas charissima MATER;
Plangite functis pleni singultibus omnes
Fratres, quos redamo; charæ plorate sorores,
Quas GENITOR sempertenero dilexit amore.
His lacrymis nostris pariter quoque culta palaestra
Gymnasia, & studiis præclaris dedita turba
Adjungit gemitus, quos motat candor amoris.
Sicut enim hortorum cultor viridaria curat,
Ut palmæ & cedri succrescant usque virore;
Ut tulipæ surgant, & candida lilia vernalis;
Sicutidem PATRI curæ fuit illa iuventus,
Qui præter linguas pietatis semina sparsit;
Moribus & pulchris virtutibus imbuit illam;
Quo pueri similes cedris, palmisque virerent;
Floresque perpetuo superarent lilia verna.
Agricolæ non tam præcordia læta mouentur,
Quum videat lætas segetes accrescere campis;
Quam tacitam PATRIS tentabant gaudia mentem,
Semina doctrinæ quum non dispersa videret
In rupe, atque via, vel dura cuspide spinis;
Sed bonus esset ager, qui non lactabat inanem

Spe frugum dubia; sed iusto tempore fruges
 Multiplices, patriæ proferebat commoda larga.
 Quid? GENITOR noster Iuuenum agmina ducere amabat,
 Per fidei calles ad sanctæ dogmata vitæ:
 Ut teneros agnos Pastor per pascua ducit;
 Curat, & assiduo vigilat, ne forte resistant;
 Aut quoque deflectant ad deuia tesqua periculis
 Expositi variis; aut bestia deuoret illos.
 Hic labor, hoc PATRIS studium fuit omne per æuam,
 Hanc habuit curam, dum uiueret, ille, beatus.
 Sic uium exemplum nobis præluxit in illo
 Clari HILDEBRANDI, quo Præceptore fideli
 Instar Daduchi PATER est fideliter usus.
 HILDEBRANDUS erat doctusque piusque MAGISTER,
 Gloria sola Dei studiorum meta tuorum
 Extitit, & CHRISTUS cui cordis sola voluptas.
 HILDEBRANDUS item faciebat munera tolers
 Officii, & semper porrecta fronte docebat,
 Inque fide uera permansit ad ultima fata.
 Talis erat GENITOR noster, doctusque piusque;
 Numinis in laudes semper sua munera gessit,
 Humani generis SERVATOR gaudia tolus
 Largiri poterat, quum tristia fata mouerent
 Curas, aut illum premeret inalesana caterua
 Fratrum, qui linguæ mordacis sæpe veneno
 Sincerum in fontem tentarunt trudere ad os cum;
 Permansit patiens subter cruce; Fronte serena
 Insistuit fidei commisso, languida membra
 Quamuis vel senio vel morbo pæne laborent,
 Denique confusus CHRISTO tristissima fata
 Vicit, & hæc miseræ vitæ lamenta reliquit;
 Esse penes CHRISTUM cupiens ascendit ad arces
 Numinis æternis; cœlesti luce coruscus
 Angelicisque choris adjunctus gessit, ouatque,
 Nec non ter SANCTUM celebrat sine fine IEHOVAM.
 Fortunata SENEX, GENITOR dilecte per æuam,
 Dum reget hos artus & morbida spiritus ossa.
 Queis cumulare bonis? quis iam tua gaudia narret?
 Gaudia perpetuos Tibi duratura per orbes,
 Quæ nemo his terris vmquam perspexit ocellis,
 Aure nec attenta percepit cordeque sensit.
 Sed quibus in tenebris vitæ nos linquis amare?
 Dum PATER a nobis cessisti duxque comesque,
 Consiliis, precibusque tuis qui semper adesces
 Rebus in aduersis, queis pectora nostra premuntur,
 At PATER acclamat: Mi fili sistito stetus!
 Et reliqui nati, natæ cum Coniuge chara
 Omnes cognati lacrymas jam sistite vestras.
 Audiit ex cœlo dudum mea vota precesque

Optimus ille PATER, radiantis RECTOR Olympi
 Cujus ad arbitrium superas transuectus ad arces
 Læticia cœli fruor & terrestria temno.
 Sistite jam lacrymas, mea pignora, sistite fletus!
 Mors mihi non damnum, sed gaudia mille creauit;
 Transulit ad vitam me demto sine beatam;
 Jam video JESVM spectandus luce perenni,
 Et caput ornatus sancto diademate vitæ.
 Sistite jam lacrymas, mea pignora, sistite fletus!
 Namque dies veniet, quo CHRISTVS luce serena
 Cæruleæ nubis vectus de morte vocabit
 Ad patriam cunctos, quam nobis ipse parauit
 Sanguine purpureo, credentis PASTOR ouilis,
 Et summo merito, nimirum morte SACERDOS
 Immerita referans clausi sanctissima cœli
 Atria. Tunc iterum mecum viuetis in annos,
 Tristitia, gemitu, lacrymis, & sine carentes
 Læticiæ immensæ; Tunc mecum cantica semper
 Electos inter repetetis grata IEHOVÆ.
 Absint hinc lacrymæ, mea pignora, sistite fletus!
 Interea fungi mandato munere vobis
 Pergite, & exemplo PATRIS non vlla procella
 Dimoueat mentes recto de tramite vestras;
 Aut crux a CHRISTI detorqueat vlla statuis.
 Ille PATER summus, rerum cui Sola potestas,
 A dextris temper stabit, dextraque potente
 Præsidium vobis præstabit, dulce leuamen
 Suggestet, atque dabit, quæ pectora vestra beabunt.
 Hæc ait, & læto solamine pectora firmat
 Defunctus GENITOR, nunc terque quaterque beatus.
 Salue sancte PARENS! lacrymas has accipe iustas,
 In Te perpetuum flagrantis pignus amoris.
 Salue iterumque PARENS, qui nos per tempora vitæ
 Iuuiisti precibusque tuis, studioque fideli!
 Nunc agitas lætus pacem, fruerisque piorum
 Alloquio, & dictis illos affatis amicis:
 Ast ego Te, GENITOR nullo non tempore gratus
 Et benefacta canam Tua, si quid carmine possum,
 Huncque diem, dum fata sinent, ego semper acerbum,
 Semper honoratum solenni carmine habebō;
 Ante leues supero pascentur in æthere cervi,
 Et freta destituent nudos in litore pisces;
 Quam TVVS ex nostro labatur pectore VVLTVS.



78 N 13 6621 X3013634

JVSTAE LACRYMAE,
QVIBVS
JVSTA PATERNA
VIRI

NOBILISSIMI, CLARISSIMI, HVMANISSIMI
NEC NON DOCTISSIMI,

DOMINI

M. NICOLAI
KUPFFERI

IN GYMNASIO CATHEDRALI, QVOD
MARTISBVRGI FLORET,
COLLEGÆ TERTII MERITISSIMI.

QVI

POSTQVAM XLII. ANNOS DE FORMANDA IBIDEM IVENTVTE
OPTIME MERVERAT, RVDE DONATVS ABIT, ET SEPTEM FERE ANNIS
POST, QVIBVS OCVLORVM LVGINE CARVIT, ANNO ÆTATIS
LXXVI. d. 9. NOVEMBR. MDCCXXVI. O. R.

PLACIDVS, AC BEATVS IN CHRISTO
DECESSIT,

PIE PROSEQVITVR

DEVENERANDI SVI, AC CHARISSIMI PATRIS

MOESTISSIMVS, FILIVS

M. JOH. CHRISTIANVS KUPFFERVS
GYMN. MARTISB. COLL. III.

TYPIS LEHMANNIANIS.



Kapsel 78 N 13 [62]

AK

